

Kalaallit Nunaanni organistit ilinniartitaasalernissaannik Namminersornerullutik Oqartussat nalunaarutaat

Kalaallit Nunaanni Ilageeqarnermut Inatsisartut peqqussutaanni nr. 2-mi 30. marts 1982-imeersumi § 4, imm. 5 malillugu Kalaallit Nunaanni organistit ilinniartitaasalernissaat pilersinneqarpoq.

Kapitali I.

Ilinniartitsinissap siunertaa.

§ 1. Ilinniartitsinissap siunertaraa kursusertarnertigut il.il. piginnaaneqarfigalugu organistissat allatigullu ilageeqarnermi nipilersornermik erinarsoqatigiinnik siulersuisinnaaneq ilanngullugu ilinniartinneqarnissaat. Ilinniartitsinissaq tamatumuuna ilageeqarnermi erinalerinerup immikkoorutai tamakkerlugit siaarsarneqarnissaanut soqutigineqaleriartornissaanullu ilapittuutaassaaq. Ilinniartitsinissap ilagiinni erinalerineq pingaarnertutillugu sammisussaavaa aammattaarli tamatuma saniatigut tamanut tunnganerusunik siunniusimasaqassallani.

Kapitali II.

Ilinniartitsinissap siulersorneqarnissaa ingerlanneqarnissaalu.

§ 2. Ilinniartitsinissap siulersorneqarnissaa ingerlanneqarnissaalu, aningaasartuutissatut pilersaarusaasartussat naatsorsuutillu ilagiit siulersuisoqarfiannit suliarineqartassapput.

§ 3. Ilagiit siulersuisui kursusertarnissani ataatsimiititaliamik ilinniagassanik, perorsaarnermut atuartsinermullu tunngasortaanik nalinginnaasumillu ilinniarnissap pilersaarusiornissaanik isumaginnittussanik pilersitsissaaq.

Imm. 2. Ataatsimiititaliap inuttarissavai: vicebiskoppi, Qeqqata provstia, Upperisarsiornermik Ilisimatusarfimmi ilinniartitsisoq ataaseq aammalu nipilersornermik erinalerinermillu ilisimasaqarluartut amerlanerpaamik marluk ilagiit siulersuisuinit toqqarnerqarsimasut. Taakkua saniatigut kultureqarnermi atuartitaanermilu pisortaqaarfik ilaasortassamik ataatsimik toqqaassaaq.

Imm. 3. Qeqqata provstia ataatsimiititaliamut siulittaasuussaaq. Siulittaasup ataatsimiititaliap ataatsimiinnissai piareersartassavai, ataatsimiigiaqqusisassalluni ataatsimiinnerillu siulersortassallugit.

Imm. 4. Ilagiit siulersuisuisa ataatsimiititaliamit innersuussineq malillugu ilageeqarnermi erinalerinermik nipilersornikkullu perorsaarnermut ilinniartitsinermullu tunngasutigut piginnaanilik ilinniartitsinermi pisortassatut qinertassavaa, ataatsimiititaliap siulittaasua peqatigalugu ulluinnarni ingerlatsisussaaq.

§ 4. Ilinniartunngorsinnaapput misilitsinnerminni ilinniarnermi pisortaasumit ilinniarnissaminnik naammassinnissinnaasorinartut. Ilagiit siulersuisui pissutsit immikkut ittut nalaanneqartillugit piumasaqaatit malivinngikkaluarlugit aalajangiisnaapput.

Imm. 2. Ataatsimiititaliap ilinniartunngornissamut piumasaqaatit aamma aalajangersaaffigisinnaavai.

Imm. 3. Ataatsimiititaliap ilinniarnerninik ingerlatsilereeraluartoq ingerlaqqinnissaminut piukkunnaateqanngitsoq paasisagaluaruniuk peqataajunnaarsissinnaavaa.

Imm. 4. Ataatsimiititaliap ilinniartumik tunuartitsiniarluni aalajangernera ilagiit siulersuisuinut suliassanngorteqqinneqarsinnaavoq.

Kapitali III.

Ilinniartitaanerup imarisai.

§ 5. Ilinniarnissap imarissavai atuagarsorluni nipilersornerup pissusiinik ilinniarneq, tulliiilersuineq naalaarluaqqissaanerlu, pattagiarsuarmik pisataanillu paasisimasaqarnissaq, naalagiarnermut tunngasut, oqaluffimmi pattassinnaaneq, tussiuutit erinaasa saniatigut isaatitsissutikkunnik pattassinnaaneq erinarsortitsisinnaanngornissarlu, makku qulakkeerneqarsimaniassallutik:

Ilinniartuq ennnanik oqaluffimmi atorneqartartunik tamatigoortunngortinniassallugu naalagiarnernerup oqaluffimmilu suliaasartut imaanik pissusiinillu pigiliussaqaartillugulu paasinnittungortissallugu; tassani pineqarneruvoq ilagiinni erinnat atorneqartartut qanoq siunertaqarneri qanorlu nipeqarlutik tutsiuttarneri ilinniartuq nammineerluni oqaluffimmi tusarnaartitsisarnissanik isamaginnissinnaanngortinniassallugu allanillu oqaluffimmi nipilersornermut tunngasunik suliaqarsinnaasunngortinniassallugu ilinniartuq atuagarsorluni ilinniagassartaasuni isumannaatsumik pikkorissuseqalersinniassallugu, tassanissaaq pineqarput nuutinik atuarsinnaanissaq taakkualu nalinginik paasisimanninnissaq, pattagiarsuarmik nipigissaasinnaalernissaq, erinarsoqatigiinnik sungiusaasinnaanngornissaq allatigallu erinarsornermik nipilersornermillu atuartitsisinnaanngornissaq.

Kapitali IV.

Ilinniarnissaq soraarummeernissarlu.

§ 6. Ilinniarnissaq marlunnik immikkoortortaqarpoq tamarmik soraarummeernermik naggaserneqartartussanik. Piumasarineqarpoq ilinniartuq kursuseqarnermi immikkoortortamut ataatsimut sap. akunnerinik 8-nik sivirususeqartartussamut naammaginartumik malinnaassasoq.

Immikkoortortap aappaani ingerlaqqinniassagaanni siullermi misilitsinnermi angusisimasariaqarpoq.

Imm. 2. Pissutsit immikkut ittut pineqartillugit ilinniarnermi pisortap qinnuteqarneratigut ilinniartitaanermi ataatsimiititaliap ilinniartup pisassat ilaannut peqataannginnissaa akuerisinnaavaa.

Imm. 3. Kursusertarfissat pinngitsoorani peqataasarfissat avataasigut ilinniartup angerlarsimalluni ilinniartitsineri pisortaasup piffissat eqqorlugit suliassiissutigisartagassai ilitersuussutaalu eqinnaalluni malinnaaffigisariaqarpai. Tamatumani ilinniartup suliassiissutit allattariarsugassat sungiusagassalluunniit naammaginartumik sularisinnaaniassavai.

Imm. 4. Ilinniartitsineri pisortap ilinniarnernerup ingerlanissaa pilersaarusiassavaa ilinniartut ataasiakkaat sukkulluunniit siunnersorneqarnissaat naliliiffigineqartarnissaalu ajornarunnaarsillugu.

§ 7. Ilagiit siulersuisuisa ilinniartitsineri ataatsimiititaliap innersuussinera malillugu ilinniarnermi pilersaarusiat sukumiinerusut, soraarummeerutissat soraarammeernerullu qanoq iluseqarnissaa immikkoortoq I-mi inaarutaasumilli immikkoortoq II-mi soraarummeernissamut aalajangersagassat aalajangersartassavaat. Pisassat soraarummeernissamullu piumasarisassut siunertamikkut qallunaat aallarnersaataasumik organistissatut soraarummeertarnerannut naapertuupput. Soraarummeernermi

avataanit toqqakkanik censoreqartoqartassaaq. Immikkoortoq I-mi imm. II-milu soraarummeersimanermut uppersaasatit ilinniarnermi pisortamit vicebiskoppimillu suliarineqartassapput.

Kapitali V.

Pisinnaatitaaffissat.

§ 8. Ilinniartitaanikkut tamatumuuna ilinniartup ilagiinni kalaallini piginnaanilittut isigineqarluni organistinngornissaq angusinnaassavaa. Tamatuma saniatigut ilinniartuq organistitut sulinissamini nipilersornerup siuarsarneqarnissaanut suleqataanissaminut alloriarfissaqalissaaq. Inaarutaasumik (Imm. II-mi) angusilluni soraarummeernermi taamatut ilinniarsimaneq ilaannakuusumik tamarmiusumilluunniit organistitut atorfininnissamut pisinnaalissutaassaaq. Ilagiit siulersuisuisa suliasap annertussusia najoqqutaralugu organistitut atorfiit ataasiakkaat 40%-imiit 100%-imut atorfigineqartarnissaat aalajangersartassavaat.

Kapitali VI.

Pikkorissartarnissaq atasuinnarmillu ilinniarnernup nangeqqinneqarsinnaanera.

§ 9. Ilinniarnermi ataatsimiititaliap pisariaqartitsineq naapertorlugu organistit tapertaasumik pikkorissartarnissaat ilinniarsimanerminnilluunniit nangitsivillutik ingerlaqqlarfissaqarnissaat pilersaarusiortassavaat. Ataatsimiititaliap ilinniarniit allat kursusernissamik ilinniarnissanillu ussassaarutaat ingerlateqqittassavaat.

Kapitali VII.

Atortualernera.

§ 10. Nalunaarut una saqqummianneqarnermini atulerpoq.

Kalaallit Nunaanni Namminersornerullutik Oqartussat, ulloq 1. december 1987.

Jonathan Motzfeldt

/

Kristian Mørch

Namminersorlutaq Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut